

so habe wir denselben brudern, den iczigen und zcukunfftigen, und die das gnante^{b)} gotes-
haws mit lobasamen, gotlichen, guten werken besitzen werden, von newes awsgesetzt
und von kuniglicher macht mit und in crafft diess brieffs machtlichen zculasen und wollen
auch, ab sachen were, und ymmer was standes leute die weren, aws dem adell, burgern
5 adir anndern, die bey iren leben adir am todpetten zu irer selen seligkeit geschafft, testa-
ment adir iren letzten willen thaten, dem gnanten stift an farnder habe, mit gelt adir
cleinoten verschafften, von^{c)} weme doselbsten unnser weichbilds und so ofte das geschee,
das solchs ymmer und allewegen von solchen personen crafft und macht haben und zu
denselben iren willen den gnanten stiefft, es sei zcu pawen adir irer teglichen notdorfft
10 awsgegeben, darbey bleiben und behalden werden sullen unvorhindert allermenniglich
iezt und zcu ewigen geczeiten. Gebieten doruff unnser land und sechsstete voit und
sunder dem burgermeister und ratmennen unnser stat Camentz, unnsern lieben getrewen,
den iczigen und zukunfftigen, und allen andern standes ernnstlich und vestiglich, das ir
genanten stiefft und die bruder der observancie obgnant closters bey unser stat Camentz
15 an solicher unnser newen awsaczung und begnadung nicht vorhindert, bekommert, noch
beswert, noch ymandes andern an einem noch keinem zu tun vorstatet, sunder iczt und
ewig geruglich dabei bleiben lasset, hanndthabet und schuczet, als lieb euch sei, unser
swere ungenad zcu vermeiden. Mit urkund diess briefs vorsigelt mit unnserm kunig-
lichen anhangenden ingsigil. Geben zu Ofenn am sontage reminiscere in der vasten
20 nach Cristi geburt vierzehenhundert und ym drei und newnczigsten, unser reiche des
Hungerischen 2c. ym dritten und des Behmischen ym czwey und czweinczigsten jaren.

174.

Grundsteinlegung zu dem neuen Kloster in Kamenz.

1493 Mai 20.

Hdschr.: Kamenzer Stadtbuch 3,97.

25 Montag nach exaudi ist der erste gruntsteyn durch den edelen wolgeborn herrn,
ern Sigemund von Wartinbergk, herr uff Tetzchen, die zeit in Obirlawsitz und deßer
land voit, zcu dem gebewde und naw clostir aws koniglicher majestaet bfillig glegit
wurdin, auch uff dennselbigen gruntsteyn zcu dem moll hundirt swertschogk zur hulffe
des loblichen gebewdis aws sunderlichen geboth unnser allirgnedigisten hern des konig
30 Wlatislay durch genantin ern Sigemund sind geopffert. Actum die quo supra im
XCIII. jare.

173. b) gnante das. c) wo.